

書名 廣文選八十二卷 嘉靖
十二年序刊本
撰者 明 劉節 輯
卷 卷七十四
內容分類 集-總集-詩文
索書號 大木-集部-總集類-3
編號 D7920300

卷七十四

廣文選卷第一



天地廣

天地賦

成公子安

明通議大夫都察院右副都御史大庾劉節廣



惟自然之初載兮道虛無而玄清太素紛以溷淆兮始
有物下而混成何元一之芒昧兮廓開闢而著形爾乃清
濁剖判玄黃判離太極既殊是生兩儀星辰煥列日月
重規以尊地靜以卑昏明迭炤或盈或虧陰陽協
氣而寒暑隨時而推移三才殊性五行異位千變
萬化度類授之以形稟之以氣色表文采聲有音
方流形品物鼓以雷霆潤以慶雲八風翱翔



彩色首頁1

東洋文化研究所漢籍目錄 編號: D7920300

東洋文化研究所漢籍目錄所藏漢籍善本文影像資料庫 索書號: 大木-集部-總集類-3

漢籍善本文影像資料庫文本 廣文選八十二卷 嘉靖十二年序刊本

版權所有: 東京大學 東洋文化研究所
使用上的注意事項



不 許 複 製

NOT TO BE REPRODUCED

東京大学東洋文化研究所




晉書卷第七十四

明通議大夫都察院右副都御史大庾劉節廣

文明王皇后哀策文

晉武帝

明明先后興我晉道暉章淑問以翼皇考邁德宣猷大業有造貽慶孤矇堂構是保庶資復顧永享難老奄然登遐弃我何早沈哀罔訴如何穹昊嗚呼哀哉厥初生民樹之惠康帝遷明德顧予先皇天立厥配我皇是光作邦作對德音無疆愍予不吊天篤降殃日沒明夷中年隕喪榮榮在疚未懷摧傷尋惟景行於穆不已海岱降靈世荷繁祉未錫祚胤篤生文母誕膺純和淑慎容止質直不渝體茲孝友詩書是悅禮籍是紀三從無違



中饋允理追惟先后勞謙是尚爰初在室竭力致養嬪
于人邦皇基是相謚靜隆化帝業以創內叙嬪御外協
時望履信居順德行洽暢密勿無荒劬勞克訓崇儉抑
華冲素是放雖享崇高歡加未饗胡寧弃之我將曷仰
咨余不造大罰存臻皇考背世始踰三年仰奉慈親冀
無後艱凶災仍集何辜于天嗚呼哀哉靈輻夙駕設祖
中闈輻輳動軫既往不追哀哀皇妣未潛靈暉進攀梓
宮顧援素旂屏營窮痛誰告誰依訴情贈策以舒傷悲
尚或有聞顧予孤遺嗚呼哀哉

武元楊皇后哀策文

晉武帝

天地配序成化兩儀王假有家道在伉儷姜嫄佐譽一
妃爲媯仰希古昔冀亦同規今胡不然景命夙虧嗚呼
哀哉我應圖籙臨統萬方正位于內寔在媿媿天作之
合駿發之祥河嶽降靈啓祚華陽奕世豐衍朱紉斯煌
纘女惟行受命溥將來翼家邦憲度是常緝熙陰教德
聲顯揚昔我先妣暉曜休光后承前訓奉述遺芳宜嗣
徽音繼序無荒如何不吊背世隕喪望齊無主長去蒸
嘗追懷未悼率土摧傷嗚呼哀哉陵兆旣窆將遷幽都
宵陳夙駕元妃其徂宮闈遏密階庭空虛設祖布紉告
駕啓塗服翬褕狄寄象容車金路掩藹裳帳不舒千乘
動軫六驢躊躇銘旌樹表翠柳雲敷祁祁同軌岌岌蒸
徒孰不云懷哀感萬夫寧神虞卜安體玄廬土房陶篋
齊制遂初依行紀謚聲被八區雖背明光亦歸皇姑沒
而不朽世德作謨嗚呼哀哉

晉武帝哀策文

張茂先

感大饗之無虧哀罇俎之虛設叩龍輶以長叫痛靈暉之潛逝其辭曰

欽惟皇考體道之真德侔乾坤齊曜三辰應期登禋協于天人上虔郊祀下惠兆民憲章唐虞允得其津搜揚仄陋故老是賓百揆時序盛業日新恩從雲翔威猶霆震江海靜波岷岳無塵四夷率服莫不來臣肅慎奉貢越裳効珍化此弊俗歸之至淳皆在上聖咸享百年哀哀皇考用不是臻邁厲彌侵景命殞顛舍此昭晰即彼幽玄仰瞻靡怙廓若無天終制尚儉率由典度華幕弗陳器必陶素不封不樹所在惟固貽法來世是則是慕天遂既啓吉日將征鍾鼓雷震白虎抗旌龍螭曠首良駟悲鳴倡者振鐸挽夫齊背背此崇殿將適下旋之官窈窕脩夜冥冥光燈求戢幽闔長扃仰設皇窮零淚屏營云誰能忍寄之我情結心墳隴求憑聖靈

晉元帝哀策文

郭景純

未惟殿宇之廓寂悲彝奠之莫歆感鸞輅之晏駕哀袞裘之委衿痛聖躬之遐往長淪晷於太陰乃作策曰王之不極百六作艱鶚集瓊林鮪躍神淵懷愍失據海覆岳巔蠢蠢六合罔不倒懸靈應有底見龍在田誰不極哉我后先天大人承運重嗣繼作撫征淮海駿命再廓仁風旁靡神化潛鑠處冲思拙居簡行約聖敬日邁玄心逾漠用物與能惣攬群略林無滯才山無遺錯恩靡不懷化靡不被茫茫海域欵寒慕義萬里同塵罔匪

王隸熙熙遺黎莫知其寄括終室
宙混同天地曰功未
年曰德慶隆奈何氛厲奄集聖節
大業未恢皇齡未中
天憫其景崑頽其崇竊竊小子
藐孤冲靡天何載靡
地何憑恍惚極慕若存若終
無聞廓焉長寂聆音
靡晞瞻顏失視窮號曷訴叩心
誰咎何悲之哀何痛之
酷嗚呼我皇逢天之戚嗚呼哀
其眇然升遐即安玄室
煌煌火龍赫赫朱鞞終焉未潛
其有出嗣訓長絕小
子何述望阜增欷臨崩慟懷哀
兼陟有痛過遏密靈爽
安之反貞復質求合元漠終始
得一

哀辭

廣

金瓯哀辭

曹子建

金瓯余之首女雖未能言固已授色知心矣生十九旬
而夭折乃作辭曰

在襁褓而撫育向孩笑而未言不終年而夭絕何負罰
於皇天信吾罪之所招悲弱子之無讐去父母之懷抱
滅微骸於糞土天長地久人生幾時先後無覺促爾有
期

仲雍哀辭

曹子建

曹階字仲雍魏太子之中子也三月而生五月而亡昔
后稷之在寒冰鬪穀之在楚澤咸依鳥憑虎而無風塵
之災今之玄弟文茵無寒冰之慘羅幃綺帳暖於翔鳥
之翼幽房閑宇密於雲夢之野慈母良保仁乎烏虎之
情卒不能延期於暮載雖六旬而夭歿彼孤蘭之耿耿
亮成幹其畢榮哀綿綿於弱子早背世而潛形且四孟

之未周將願之乎一齡陰雲回於素蓋悲風動其扶輪
臨埏闈以歔歔淚流射而霑巾

陽城劉氏妹哀辭

潘安仁

鳥鳴于柘烏號于荆徘徊躑躅立聞其聲相彼羽族矧
伊人情叩心長叫痛我同生誕育聖王發奇稚齒如彼
名駒昂昂于里劉氏懷寶未曜隨和伊予輕弱弗克負
荷祿微于朝貯匱于家俾我令妹勤儉備加珍羞罕御
器服靡華撫膺恨毒逝矣奈何哀哀母氏蒸蒸聖慈震
慟擗撫何痛如之魂而有靈豈不慕思嗟哉往矣當復
何時

悲邢生辭

潘安仁

周文公之苗裔予元舅之洪胄厲操確其不拔鄉譽著
而日就妙邦畿而高祭雄州閭以擢秀茂實暢矣而休
名未衍其財至貧其位至賤而死之日奔者盈庭停余
車而在郊撫靈襯以增悲瞻轎容而想像曾無覲乎餘
輝送子兮境垂末訣兮路岐一別兮長絕盡哀兮告離

碑文一

漢魯相置孔子廟卒史碑文

司徒臣雄司空臣戒稽首言魯前相瑛書言詔書宗聖

道勉闕藝孔子作春秋制孝經闕二五經演易繫辭經

締天地幽讚神明故特立廟褒成侯四時來祠事已即
去廟有禮器無常人掌領請置百石卒史一人典主守
廟春秋饗禮財出王家錢給大酒直須報謹問太常祠
曹掾馮牟史郭玄辭對故事辟雍禮未行祠先聖師侍

者孔子子孫太宰太祝令各一人皆備爵太常丞監祠
河南尹給牛羊豕雞闕二各一大司農給米祠臣愚以

為如瑛言孔子大聖則象乾坤為漢制作先世所尊祠
用衆牲長吏備闕二欲加寵子孫敬恭明祀傳于罔極

可許臣請魯相為孔子廟置百石卒史一人掌領禮器
出王家錢給太酒直他如故事臣雄臣戒恐誠惶誠

恐頓首頓首死罪死罪臣稽首以聞制曰可元嘉三年
三月二十七日壬寅司徒雒司空美下魯相承書從事

下當用者選年四十以上經通一藝雜試通利能奉弘
先聖之禮為宗所歸者如詔書到言未與元年六月甲

辰朔十六日辛酉魯相平行長史事下守長擅叩頭死
罪敢言之磨滅不司徒司空府壬寅詔書為孔子廟置

百戶卒史一人掌主禮器選年四十以上經通一藝雜
試能奉弘先聖之禮為宗所歸者平叩頭叩頭死罪死

罪謹按文書守文學掾魯孔憲師孔憲戶曹史孔等雜
試蘇脩春秋嚴氏經通高第事親至孝能奉先聖之禮

為宗所歸一除蘇補名狀如牒平惶恐叩頭死罪上司
空府讚曰巍巍大聖赫赫彌章相一瑛字少鄉平原高

唐人令鮑豐字文公上黨屯留人政教稽古名重規矩
一君察舉守宅除吏孔子十九世孫麟廉請置百戶卒

吏一人鮑君造作百戶吏舍功垂無窮於是始缺
漢魯相晨孔子廟碑文

建寧二年三月癸卯朔七日己酉魯相臣晨長史臣謙
頓首死罪上尚書臣晨頓首頓首死罪死罪臣蒙厚恩

受任符守得在奎婁周孔舊禹不能闡弘德政恢崇一
變夙夜憂怖累息屏營臣晨頓首頓首死罪死罪臣以
建寧元年到官行秋饗飲酒畔官畢復禮孔子宅拜謁
神坐仰瞻椽桶俯視几筵靈所馮依肅肅猶存而無公
出酒脯之祠臣卽自以奉錢脩上案食醜具以叙小節
不敢空謁臣伏念孔子乾坤所挺西符獲麟爲漢制作
故孝經援神契曰玄立制命帝卯行又尚書考靈耀曰
丘生倉際觸期稽度爲赤制故作春秋以明文命綴紀
撰書脩定禮義臣以爲素王稽古德亞皇代雖有褒成
世享之封四時來祭畢卽歸國臣伏見臨璧雍日祠孔
子以太牢長史備爵所以尊先師重教化也夫封土爲
社立稷而祀皆爲百姓興利除害以祈豐穰月令祀百
辟卿士有益於民矧乃孔子玄德煥炳光于上下而本
國舊居復禮之日闕而不祀誠朝廷聖恩所宜特加臣
寢息耿耿情所思惟臣輒依社稷出王家穀春秋行禮
以供禋祀餘闕賜先生執事臣晨頓首頓首死罪死罪
臣盡力思惟庶政報稱爲效增異輒上臣晨誠惶誠恐
頓首頓首死罪死罪上尚書

昔在仲尼叶光之精大帝所挺顏母毓靈承敝遭衰黑
不代倉闕沔應聘嘆鳳不臻自衛反魯養徒三千獲麟
趣作端門見徵血書著紀黃玉饗應主爲漢制道審可
行乃作春秋復演孝經刪定六藝象與天談鈞河撻洛
却揆未然巍巍蕩蕩與乾比崇

魯相顏午乞復顏氏開官氏繇發碑文

惟末壽二年青龍在涪灘霜月之靈皇極之日魯相河
南京顏君追惟太古華胥生皇維顏誕育至寶宰制元
道百王不改孔子近聖爲漢定道自天王以下至於初
學莫不顛思嘆仰師鏡顏氏聖舅家居魯里并官聖妃
在安樂里聖族之親禮所宜異復顏氏并官氏邑中繇
發以尊禮心念聖歷世禮樂陵遲秦項作亂不尊圖書
倍道畔德離敗聖輿食糧亡于沙丘君於是造立禮器
樂之音符鐘磬瑟鼓雷洗觴觶爵鹿俎豆籩柹禁壺脩
飾宅廟更作二輿朝車威熹宣抒玄汗以注水流法舊
不煩備而不奢上合紫臺稽之中和下合聖制事得禮
儀於是四方士仁聞君風耀敬詠其德尊其大人之意
卓彌之思乃共立表石紀傳億載其文曰

皇統華胥承天畫卦顏育空桑孔制元孝俱祖紫官大
一所授前闈九頭以什言教後制百王獲麟未吐制不
空作承天之語乾元以來三九之載八皇三代至孔乃
備聖人不世期五百載三陽吐圖二陰出讖制作之義
以俟知奧於穆韓君獨見天意復聖之族追越紀思脩
造禮樂瑚璉器用存古舊宇愍懃宅廟朝車威熹出誠
造 漆不水解工不爭賈深除玄汗水通 注禮器升
堂天雨降澍百姓訢和舉國蒙慶神靈祐誠竭敬之報
天與厥福永享年壽上極華紫旁及皇代刊石表銘與
乾輝耀長期蕩蕩於盛復授赫赫罔窮聲垂億載

漢西嶽華山廟碑文

周禮職方氏河南山鎮曰華謂之西嶽春秋傳曰山嶽

則配天乾坤定位山澤通氣雲行雨施既成萬物易之
義也祀典曰日月星辰所昭仰也地理山川所生殖也
功加於民祀以報也禮記曰天子祭天地及山川歲徧
焉自三五迭興其奉山川或在天子或在諸侯是以唐
虞疇咨四嶽五歲一巡狩皆以四時之中月各省其方
親至其山柴祭燔燎夏商則未聞所損益周鑿於二代
十有二歲王巡狩殷國亦有事於方嶽祀以圭璧樂奏
六歌高祖初興改秦淫祀太宗承循各詔有司其山川
在諸侯者以時祠之孝武皇帝脩封禪之禮思登假之
道巡省五嶽禋祀豐備故立宮其下宮曰集靈宮壑曰
存僂壑門曰望僂門仲宗之世重使使者持節祀焉歲
一禱而三祠後不承前至于亡新寤用丘虛訖今垣址
營兆猶存建武之元事舉其中禮從其省但使二千石
以歲時往祠其有風旱禱請祈求靡不報應自是以來
百有餘年有事西巡輒過享祭然其所立碑石刻紀時
事文字摩滅莫能存識延熹四年七月甲子弘農太守
安國亭侯汝南袁逢掌華嶽之主位應古制脩廢起頓
閔其若茲深達和民事神之義精通誠至禘祭之福乃
案經傳所載原本所由銘勒斯石垂之于後其辭曰
巖巖西嶽峻極穹蒼奄有河朔遂荒華陽觸石興雲雨
我農桑資糧品物亦相瑤光崇冠二州古曰雖梁馮于
幽岐文武克昌天子展義巡狩省方玉帛之贄禮與岱
亢六樂之變舞以致康在漢中葉建設宇堂山嶽之守
是秩望侯惟安國兼命斯章尊脩靈基肅共壇場明德

惟馨神歆其芳遏禳凶札孳歛吉祥歲其有年民說無疆

廣文選卷第七十四

江都葛澗棧

廣文選卷第七十五

明通議大夫都察院右副都御史大庾劉節廣

碑文二

桐柏廟碑文

王延壽

延熹六年正月八日乙酉南陽太守中山盧奴張君處正好禮尊神敬祀以淮出平氏始於大復潛行地中見於陽口立廟桐柏春秋宗奉災異告誥水旱請求位比諸侯聖漢所尊受珪上帝太常定甲郡守奉祀務潔沈祭從郭君以來二十餘年不復身到遣行承事簡略不敬明神弗歆災害以生五嶽四瀆與天合德仲尼慎祭常若神在君準則大聖親之桐柏奉見廟祠崎嶇逼狹開拓神門立闕四達增廣壇場飾治華蓋高大殿宇穿

